

**Cogitationes, Sive Considerationes Christianae Pro  
singulis Anni diebus**

Complectens Julium, Augustum, Septembrem

**Nepveu, François**

**Monachii, 1709**

Dies 20. De necessitate crucem suam portandi.

---

[urn:nbn:de:hbz:466:1-60520](https://nbn-resolving.de/urn:nbn:de:hbz:466:1-60520)

*Iulius*

Probè examina conditiones, quas Christus tibi proponit, ut te ad se sequendum alliciat: & erubesc de socordia, vel potius stultitia tua, dum hactenus eum sequi renuisti conditionibus adeò glorioſis tibi oblatis.

Si quis mihi ministrat, me sequatur.

*Ioan. 12. 16.*

Noli deficere in via angusta; ego prior transi; ego sum ipsa via, ego duco, in me duco, ad me perduco. *Aug. in Psal. 70.*

## DIES XX. De Necessitate Crucem suam portandi.

### I.

**D**Urum est portare Crucem suam, & durum eam tolerare; naturæ nihil magis adversum, nihil sensibus molestum magis; rationem nihil magis excedit; at nihil fidei luminibus, & Evangelij axiomatis magis consentaneum: si cogitemus nos Crucem nostram post Christum portare, omnem, quam experimur, repugnantiam superamus: si cogitemus, nos eam cum Christo portare, repugnantia in ea ferenda quiescit: si verò cogitemus, nos eam pro Christo portare, delicias etiam in ea



ea invenimus. Quævis difficultas, quam in Iulius,  
 ea toleranda sentimus, ubi recordamur,  
 Christum Crucem suam nobis præferendo,  
 exemplum præbere, ita evanesci, ut na-  
 turæ adversantis motus non amplius au-  
 diamus, nec quidquam percipiamus, nisi  
 vocem Servatoris, qui nobis dicit: *si quis*  
*vult post me venire, tollat crucem suam,* & se-  
*quatur me.* Movemur felicitate, & glo-  
 ria, quam in Christo sequendo invenimus;  
 ut difficultatis, quam perpetimur, obli-  
 scamur.

II. At neque difficultatem in Cruce no-  
 stra ferenda experimur, si recordemur,  
 Christum eam nobiscum portare. Crux  
 jugum quoddam est; duobus proin opus  
 est, qui illud portent: nos cum imbecil-  
 les, & ignavi simus, ponderi succumbe-  
 remus, si soli essemus. Itaque Christus se  
 nobis associat, in ea ferenda nos adjutu-  
 rus; hoc ipsum impulit, ut diceret, jugum  
 suum suave esse: insuper jugi hujus pondus  
 in se suscipit, leviore nobis relicto; quin  
 & levius hoc pondus magis eum, quam  
 nos premit. Unctio, & gratia, quam ju-  
 go nobis imposito superaddit, id perquam  
 mitigant. Annon causam habemus Si-  
 monis illius Cyrenæi felicitati invidendi,  
 qui Christo in Cruce sua portanda sociam

præ-

64 *Considerationes Christianæ.**Iulius.*

præsttit operam? an felicitas nostra minor est, si Crucem cum IESU portamus? ipse eam portat nobiscum, ut nos sublevet. Leviorem illam redde, si eam lubens cum ipso portes.

III. Si verò Christum amamus, crucem non modò sine difficultate ferimus, memores Christum eam nobiscum portare, sed gaudio quoque perfundemur, si meminerimus, nos eandem pro ipso portare. Videre, illum pati, quem amamus, nec eum sublevare posse, verum est Martyrium; sed pati pro illo, quem amamus, ei que per hoc sincerè, generosèque amorem suum testatum facere, maxima voluptas est. Vita sine Cruce, est inter omnes Cruces maxima animæ Christum amanti, inquietabat S. Franciscus Xaverius. S. Theresia affirmabat, hanc vitam, quod in ea Deum videre, & possidere non posset, intolerabilem sibi fore, si ea sibi non suppeditaret occasionses aliquid pro Deo patienti; atque hanc solam ob rationem, vitam hanc tolerabilem sibi videri. Amare Deum debemus, ut hujuscemodi animi motus sentiamus, & ad Crucem æquè afficiamur; amare etiam debemus, ut eos penetremus; si verò tales habeo, vel eos non penetro, amore erga Deum vel careo; vel amor iste



iste imbecillus est, vel certè suspectus esse <sup>Julius</sup>, mihi debet.

Confundere, quod tantopere Crucem horreas;  
cum hoc sit signum, te Christum non amare, vel  
parum amare.

Si quis vult venire post me, abneget se-  
met ipsum, & tollat Crucem suam quoti-  
die, & sequatur me. *Luc 9. 23.*

Tota igitur vita Christiani, si secundum  
Evangelium vivat, Crux est, atque Marty-  
rium. *Aug. Serm. 32.*

---

## DIES XXI.

### De Misericordia Dei Pecca- torem Quærentis.

I.

**M**iratur Propheta, Deum non solum  
voluisse de homine cogitare, sed eō  
usque se demittere, ut eum quæreret. At  
longè majore dignum est admiratione, si  
consideremus modum, quo eundem quæ-  
rit. Primò Deus hominem prior quærit,  
etsi ab eo offensus sit. Evangelium, licet  
amorem erga inimicos præcellentem im-  
meret, eum tamen eō usque non extendit.  
præter Deum infinitè misericordem nema-

E est,